

通

俗

編

通俗編卷之三

時序

一年之計在于春一日之計在于晨 見梁元帝纂要

元禮田家雜古作一日之計在于寅

陽春布德澤萬物生光輝 文選長歌行

新年納餘慶嘉節號長春 蜀檇杭孟昶命學士題桃符

板以其辭非工命筆自題云云茅亭客話謂蜀太子元

詰題桃符云天垂餘慶地接長春傳說不同

白日莫閑過青春不再來 唐林寬少年行

一日快活敵千年 北史和士開傳說武成帝云

過得一日過一日 劍南集醉中信筆詩過得一日過一

日人間萬事不須憂

今日不知明日事
宋李殿丞詩又陸游詩渠曹定是別
肺腸今夕不爲明旦計

天無寒暑無時令人不炎涼不世情
范成大詩

一年三百六十日
漢官志周太常諺一歲三百六十日

三百五十九日
齋施肩吾春游樂一年三百六十日賞

心那似春中物又李白杜牧俱有百年三萬六千日句

二十四氣
禮記月令疏漢時以驚蟄爲正月中雨水爲

二月節漢末先雨水後驚蟄自劉歆作三統歷改也三

統歷三月節穀雨清明爲中而通卦驗及今歷以清明

爲三月節穀雨爲三月中其餘皆同

四時八節
隨巢子鬼神爲四時八節以紀育人唐人以

四字連用者杜甫詩四時八節還拘禮女拜弟妻男拜

弟李商隱詩四時當首夏八節應條風

良辰美景

謝靈運擬鄴中集詩序天下良辰美景賞心

樂事四者難并北齊書段榮傳良辰美景未嘗虛棄陳書孫瑒傳每良辰美景賓僚並集泛長江而置酒

花朝月夕

舊唐書羅威傳每花朝月夕與賓佐賦咏甚

有情致馬令南唐書昭惠周后傳花朝月夕無不傷懷提要錄二月十五爲花朝八月十五爲月夕

開春

楚辭九章開春發歲兮白日出之悠悠纂要初春

曰開春也又選顏延之詩開冬眷物徂李善注開冬猶

開春開秋

一場春夢

侯鯖錄東坡行歌田間饁婦曰內翰昔日富

貴一場春夢坡然之人呼此媼曰春夢婆

無計畱春住 歐陽修詞雨橫風狂三月暮門掩黃昏無
計畱春住 按白居易先有無計畱春得句

三冬二夏 後漢書段熲傳三冬二夏足以破定按俚語
約計歲時曰三箇黃梅四箇夏猶此

無冬無夏 詩陳風辭又太玄經無冬無夏祭之無度

肥冬瘦年 豹隱紀談吳門風俗多重至節謂曰肥冬瘦
年互送節物顏侍郎有詩述之

冬烘 葉夢得避暑錄話唐人言冬烘是不了了語故有
主司頭腦太冬烘之言

小春 初學記十月天時和暖似春故曰小春之月范成
大詩狂飈吹小春楊萬里詩小春活脫似春時按爾雅
十月爲陽月因又曰小陽春

正月 杜佑通典秦始皇改諱之故正月字從平聲按
雲麓漫鈔仁宗時以御冬同音欲改正月爲一月有以
本音政爲言者遂改還政音然至今仍習從平聲也

上澣中澣下澣

古今詩話俗以上澣中澣下澣代上旬

中甸下甸益本唐制十日一休沐故白居易詩公假月

三旬韋應物詩九日馳驅一日閒也按唐世休澣事頗

見載咏唐書劉晏傳質明視事至夜分止雖休澣不廢

溫庭筠有休澣日謁所知詩劉長卿亦有月晦逢休澣

句漢時謂之休沐制以五日張安世傳精力千職休沐

未嘗出萬石君傳建每五日洗沐歸謁親是也改沐爲

澣見于六朝宋鮑照詩云休澣自公日宴慰及私辰

黃道日

唐書歷志以冬至赤道日度及約餘依前求定

通俗編

卷三

時序

三

差以減之是爲黃道日度

龍虎日

月令廣義

正月巳二月亥三月午四月子五月

未六月丑七月申八月寅九月酉十月卯十一月戌十

二月辰爲龍虎日龍虎屬神也不宜干上宜制下援如

其說則世以凡月寅辰日爲龍虎非是

年忌

靈樞經

凡七歲十六歲二十五歲三十四歲四十

三歲五十二歲六十一歲是謂年忌按此以七爲始而

遞以九數乘之也今俗以二九三九相乘之歲如十八

二十七以至九九八十一歲爲暗九謂有疾厄之慮傳

之失其真矣

月忌

周密齊東野語

俗以初五十四二十三三日爲月

忌蓋三日乃河圖數之中宮五數耳五爲君象故民庶

不敢用

大月小月

周髀算經置小月二十九日置大月三十日

百虎通德論月行或過或不及日不可分故月有大小
蔡邕獨斷閏月補小月劉熙釋名望月滿之名也月大
十六日小十五日許慎說文閏月始生也承大月二日
承小月三日按漢以前稱月大小者見此數條六經史
漢但有其說無其稱也今又謂大月曰大盡小月曰小
盡此蓋起自宋世朱子語錄月之生時大盡則初二小
盡則初三竹坡老人詩話頃歲朝廷多事州縣不頒歷
朱希真作小盡行云滕州三月作小盡梧州三月作大
盡前此少見大小盡文

閏月忙月

後漢書劉般傳冬春閏月不妨農事唐書食

貨志門夫番上不至者閒月督錢百七十忙月二百

月半

日知錄今人謂十五爲月半古經已有之儀禮月

半不殷奠禮祭義朔月月半君巡牲而亦有以上下弦

爲月半者釋名云弦月半之名也望月滿之名也弦曰

半以月體言之望曰半以日數言之

月頭

花蕊夫人宮詞月頭支給買花錢郭翼詩月頭月

尾雨陰陰

月盡頭

徐凝詩三月盡頭雲葉秀小姑新著好衣裳

一箇月

王建寄韋處士詩一箇月來山水隔不知茅屋

若爲居

日子

又選陳琳檄吳將校部曲文年月朔日子注云子

發機時也隋書袁充上表云歲月日一還共誕聖之時

〔日知錄〕漢人未有稱夜半爲子時者古人文字年月之下必繫以朔必言朔之第幾日某干支故曰朔日子也宋書禮志年月朔日甲子尚書令某甲下此此古文移之式陳琳檄文但省一甲字耳南史劉之遴傳參較古本漢書稱永平十六年五月二十一日己酉郎班固而今無上書年月日子此亦可證今俗不知但以子爲日之語助矣

日中 〔易〕日中爲市 〔詩〕日之方中 〔書〕自朝至于日中 〔大〕至傳自日中以爭至于昏 〔史記項羽紀〕日中大破漢軍 〔漢書五行志〕日中時食從東北過半 〔按〕古未有十二時之目 〔紀〕書大率用日如 〔質〕明大昕目 〔肝〕晡時諸稱今皆不挂人口 〔惟〕日中則人人言之

一日雞二日狗北史魏收傳引董勣答問禮俗曰正月一日爲雞二日爲狗三日爲猪四日爲羊五日爲牛六日爲馬七日爲人按諸惟人日爲古今所盛稱雞日則呂居仁有避地逢雞日句其餘未經人用今語又增之曰八日爲穀九日爲蠶不見出處

夜半子時雞鳴丑時杜預左傳注始分一日爲十二時其名目但曰夜半曰雞鳴曰平旦曰日出曰食時曰隅中曰日中曰日昃曰晡時曰日入曰黃昏曰人定未借及十二支也今恒言猶或兼之曰夜半子時雞鳴丑時日出卯時日沒酉時黃昏戌時人定亥時畧得古之遺直月周禮賈誼國之賣債各率其屬而嗣掌其月鄭康成註更相代直月

直曰晉語史黯曰臣敢煩當日章昭註直曰也言不敢煩主之直曰者以自自漢書京房傳分六十四卦更直日用事南史殷不害傳與舍人庾肩吾直日奏事

某年月日天戴禮載周迎日辭維某年某月上日司馬法仁本篇某國爲不道征之以某年月日史記廉藺傳相如顧名趙御史書曰某年月日秦王爲趙王擊筑按後人傳誌稿中畧其年月之辭倣此

當年韓詩外傳先生者當年霸後生者三年而復當讀去聲唐方干詩庭梅曾試當年花同

開年庾信行雨山銘開年寒盡正月遊春盧思道詩開年簡時日上辛稱天吉

窮年累世荀子榮辱篇人欲餘財蓄積之富而窮年累

世不知足

連年累歲

古樂府婦病連年累歲傳呼丈人前一言

積年累月

顏氏家訓後娶簪夫婦之義曉夕移之積年

累月安有孝子

一年一度

范成大田園雜興一年一度遊山寺不上靈

巖卽虎邱五燈會元天衣懷舉一年一度春語

年頭月尾

唐書楊瑒傳有司帖試明經不貢大義乃取

年頭月尾

孤經絕句奏請帖平文以存家學秣光朝詩

年頭月尾

無一事咄咄癡頑不識字

卽日

更記項羽紀項王卽日因留沛公與飲漢書霜光

傳卽日承皇太后詔冥志太史慈傳更然慈言卽日俱

去緒遂良帖卽日須髮盡白按卽日猶當日而日之相

近或亦以卽言之如陸游詩知汝卽日歸明當遣舟迎
另日 楊升菴外集俗謂異日爲另日音命令之令然其
字說文玉篇無有也只當作令日戰國策趙燕拜武靈
王胡服之賜曰敬循衣服以待令日卽異日也按國策
註令訓爲善謂擇善日衣之升菴說似傳會列子周穆
王篇有別日升崑崙邱語另或爲別字之省

外後日 老學菴筆記後三日爲外後日意其俗語耳偶
讀唐逸史裴老傳乃有此語裴大歷中人也按今又謂
之大後日

後五日 史記閼戾世家圯上父曰後五日平明與我會
此平明良往父已先在怒曰後何也去曰後五日早會
五日雞鳴良往復怒曰後何也去曰後五日復早來五

日良夜未半往又扁鵲傳入朝見齊桓侯曰君有疾在
湊理後五日復見曰有疾在血脉後五日復見曰有疾
在腸胃後五日復見望而退走曰今在骨髓雖司命無
奈之何後五日桓侯體病遂死按兩傳云後五日皆的
定是五日也今俗因其文凡言後日率以五字綴之宋
劉一止詩更看後五日放過前一著已如今俗所綴
日計不足歲計有餘見父子精誠篇又管子治國篇農
者月不足而歲有餘者也莊子庚桑楚篇吾日計之而
不足歲計之而有餘庶幾其聖人乎漢書章帝詔安靜
之吏惻惻無華月計不足歲計有餘

三日三夜更記孟子荀卿傳淳于髡見梁惠王豈語連
三日三夜無倦按諺云三日三夜說不了本此

不日不月 詩君子于役不日不月箋云行役反無日月
管子白心篇不日不月而事以從注云不計日月按流
俗所謂沒日沒月卽斯言也

何以過日 甫史陳後主紀監者言叔寶耽醉罕有醒時
隋文帝使節其酒既而曰任其性不爾何以過日

朝不謀夕 左傳昭元年趙孟曰吾儕偷食朝不謀夕又
僖七年襄十六年三十一年俱曰朝不及夕國語王聞
鬬子文之朝不及夕也每朝設脯糗以羞之晉書李密
陳情表人命危淺朝不慮夕按傳燈錄云早起不審夜
俚語云朝不保暮皆因之小變

朝暮人 史記晉世家旦暮之人曾不能待而欲弑之漢
書楊惲傳太僕定有死罪數事朝暮人也師古注言不

得久活也

朝三暮四

列子黃帝籛狙公誑狙曰與若芋朝三而暮

四足乎衆狙皆起而怒俄而曰與若朝四而暮三足乎

衆狙皆伏而喜莊子齊物論同

日暮途遠

史記伍子胥曰吾日暮途遠故倒行而逆施

之尉繚子亦有此語按今語小變曰日暮途窮

犁明

史記呂后紀注徐廣曰犁猶比也諸言犁明者將

明之時

侵早

杜甫贈崔評事詩天子朝侵早買鳥新居詩門嘗

侵早開王建宮詞爲報諸王侵早入隔門催送打毬名

援侵早卽凌晨之謂作清早者非

黃昏人定

黃昏始見楚辭人定見後漢書來歙耿弇兩

傳古焦仲卿妻詩奄奄黃昏後寂寂人定初

三更半夜 宋史趙昌言傳陳象輿董儼皆昌言同年日夕會昌言第京師爲之語曰陳三更董半夜後漢彭寵傳甄豐旦夕入謀議時人語曰夜半客甄長伯陳后山談叢刁學士約喜交結請謁常至夜半號刁半夜事皆相類今厭人宵聒不休亦往往以此號之

五更轉 古樂府有伏知道從軍五更轉自一更至五更各五言四句隋煬帝效之作龍舟五更轉見文中子今小曲有所謂鬧五更者倣此

半更 見史記滑稽傳孟浩詩瑞雪初盈寸聞宵始半更用之

登時 魏志管輅傳注注易之急急于水火水火之難登

時之驗易之清濁延于萬代北史祖瑒傳夜忽鼓噪喧
天賊衆大驚登時散走舊唐書張柬之傳姚崇言柬之
沉厚有謀能斷大事則天登時召見王子年拾遺記使
者令猛獸發聲帝登時顛蹶掩耳震動抱朴子自序篇
或齋酒肴候洪者雖非儔匹不拒後有以答之亦不登
時也按鹽鐵論登得前利不念後咎焦仲卿妻詩登卽
相許和所云登者蓋卽登時之謂

當時 當去聲干洲記不死草形如菰苗人已死三日者
以草覆之皆當時活也

見在 見音現周禮御史凡數從政注云其見在空缺者
又稟人注弓弩矢箠棄亾者除之計今見在者又職喪
疏今存者據儀禮之內見在者而言漢書外戚傳武卽

書對兒見在未死三國志魏延傳延曰丞相雖亡吾自見在論衡正說篇尚書滅絕于秦其見在者二十九篇目前列子楊朱篇目前之事或存或廢千不識一吳志陸瑁傳爲赴目前之急除心腹之患又卽目見元典章亦猶云目前

爾來見蜀志諸葛亮出師表

如今出詩杜箋又論語而今而後而如二字通

上頭元史泰定帝紀遵守正道行來的上頭數年之間百姓安業元典章至元二十八年旨官人每一路過去上頭百姓每生受又延祐四年奏百姓爲饑荒上頭流移江南等路按上頭乃指謂其時之辭

當初水經滄水注安喜城下有積木交橫蓋當初山水

濟盡漂積于斯按琵琶曲有早知今日悔當初句

古老 書無逸傳小人之子輕侮其父母曰古老之人無所聞知按此古老二字平下崔融請封中岳表宣太平之風化聽古老之謳謠李白遊九華山記不經古老之口復闕名賢之記乃謂古先之耆老今俚俗所言如云古老錢古老屏風大抵皆祖書傳

長遠 晉書明帝紀若如今言晉祚復安得長遠不今不古 揚子法言童牛角馬不今不古

周而復始 見京房易傳又漢書郊祀歌陰陽五行周而復始韞詩外傳周則復始窮則反本

沒了期 五代史補錢鏐封吳越王工役大興或夜書府門曰沒了期沒了期修城纔罷又開池鏐見之命吏續

曰沒了期沒了期春衣纔罷又冬衣嗟怨頓息

生生世世 甯史王敬則傳順帝泣而彈指惟願後身生

生世世不復天王作因緣

人生一世 更記晉世家重耳謂齊女曰人生一世必死

于此淮南王傳人生一世問安能邑邑如此漢書班婕

妤傳惟人生兮一世忽一過兮若浮後漢書張霸傳人

生一世但當敬畏于人

寸陰自惜 司馬法不寶咫尺玉而愛寸陰句晉書陶侃

傳大禹聖者乃惜寸陰至于衆人當惜分陰

耽悞少年 金史五行志興定童謠曰青山轉轉山青耽

悞盡少年人

少壯不努力老大徒傷悲 文選長歌行

三歲至老

王文祿沂陽子引諺云

千載一遇

袁宏三國名臣序贊千載一遇賢智之嘉會

邯鄲淳答贈詩聖主受命千載一遇又晉書慕容雲載

記機運難邀千載一時公焉得辭也劉峻廣絕交論斯

賢達之素交歷萬古而一遇

年紀

始見後漢書光武帝紀又三國志魏武紀注建元

去官之後年紀尚小張溫傳溫年紀尚小鎮重尚淺晉

書魯褒傳不計優劣不論年紀

年幾歲

百知錄古人但云年幾何自太史公始變之秦

始皇本紀曰年十三歲

實年

白居易照鏡詩豈復更藏年實年君不信遂今公

家冊籍書年必加用實字蓋在唐已然也

誕辰 黃溥言開中古今錄世稱生辰曰誕辰曰華誕此因詩誕生后稷而云然殊不知誕者發語辭也以稱生辰似無意義

初度

離騷經皇覽揆予初度二字始見

秩 禮記王制九十有秩注秩常也有常饘也按今凡七十八十通謂之秩非矣然白居易詩云已開第七秩飽食仍安眠又云行開第八秩可謂盡天年自注俗謂七十以上爲開第八秩蓋以十年爲一秩自唐已然而七秩則開自六十一歲八秩開自七十一歲也

春牛圖 李涪刊誤月令出土牛以示農耕早晚此其遺也凡立春在十二月望策牛人在前示其農早也在十二月晦及正月朔則策牛人當中示其中也在正月望

策牛人在後示其晚也盧肇有題春牛榜子詩王應麟
困學紀聞王牛之法以歲之幹色爲首支色爲身納音
色爲腹以立春日幹色爲角耳尾支色爲脰納音色爲
蹄景祐元年以土牛經四篇頒天下丁度爲序元典章
至元二十四年劄付陰陽剋擇依春牛經式造作土牛
芒神色相施行其芒神貌像服色裝束及鞭廐等亦就
年日幹支爲其施設

春書

酉陽雜俎北朝婦人常以立春進春書

春聯

晉雲樓襍說春聯之設自明孝陵昉也帝都金陵

于除夕前忽傳旨公卿士庶家門上悉加春聯一副帝
親微行出觀以爲笑樂按觀蜀孟昶題桃符板事及宋
趙庚夫歲除卽事詩桃符詩句好恐動往來人則今之

春聯乃源本于桃符板其無板而以紙代之別立春聯之名或昉在明初耳

分歲 風土記除夜祭先竣事長幼聚飲祝頌而散謂之

分歲陳善杭州志古有守歲之宴言爲達曙飲也今至

夜分而止故謂之分歲范成大分歲詞禮成祭徹夜未

央飲福之餘卽分歲陳造詩椒酒須分歲江梅巧借春

嘗新 禮月令孟秋之月農乃登穀天子嘗新

獻時新 隋書許善心母范氏有高節高祖勅尚食每獻

時新常遣分賜

趨時 易繫辭變通者趨時者也史記貨殖傳白圭趨時

叙寒溫 晉書王獻之與徽之俱詣謝安二兄多言

俗事獻之寒溫而已世說謝混與王齊王睹叙寒溫數

語畢還與羊孚談賞上方悟其奇乃合共語江總詩無人妨語默何處叙寒溫杜甫詩虛名但蒙寒溫問泛愛不救溝壑辱又寒暄卽猶寒溫五代史孫晟傳爲人口吃遇人不能道寒暄已而坐定談辨鋒生

溫暾 輟耕錄南人方言曰溫暾者言懷煖也王建宮詞新晴草色煖溫暾白居易詩池水煖溫暾元稹詩寧受寒切烈不愛陽溫暾按溫暾與溫暾溫暾同音亦相近說文懷字下云讀若水溫暾乃昆切李商隱詩疑穿花逶迤漸近火溫磨皮日休咏金鷄鶻亦用溫磨二字磨奴敦切俗又作溫不片居仁軒渠錄有營婦托學究寫書寄夫云天色注囊不要與溫吞蠅託底物事火熱 貫休長安道句黃塵霧合車馬火熱

及熱南史王敬則曰事須及熱

趨炎附熱采史李垂傳見大臣不公常欲面折之焉能

趨炎附熱看人脅睫以冀推挽乎

偷寒送暖見百仁甫墻頭馬上曲

連底凍厚德錄應山二連伯氏君錫爲人清修孤潔人

號爲連底清仲氏元禮加以駿肅人號爲連底凍羅鄴

有蜀河連底凍無聲句

冷處著把五燈會元泐潭文準曰告諸禪德也好冷處

著把火

永炭不同器鹽鐵論永炭不同器日月不並明我元人

曲屢用此語皆作不同爐非

一日脫膊三日齧齏見陸泳吳下田家志婁氏五行雜

占十二月謂之大禁月忽有一日稍煖卽爲大寒之候
故諺云云

早起三朝當一工 宋樓鑰詩

在家常起早 杜甫詩在家常早起憂國願年豐

五更侵早起更有夜行人 傳燈錄丹霞來古寺經宿明

且粥熟行者盛一鉢與師又盛一碗自喫殊不顧丹霞

丹霞卽自盛喫行者曰五更侵早起更有夜行人

日長如小年 唐庚詩山靜似太古日長如小年

歡娛嫌夜短寂寞恨更長 張茂先情詩居歡愒夜促在

感恩宵長卽二語所本又易林獨宿愴夜亦寂寞恨更

長之意

朝朝寒食夜夜元宵

見高則誠琵琶白仁甫梧桐雨劇

百年難遇歲朝春

見鹿門老人紀歷撮要陸游源蔡牀

澤餘

春寒多雨水

見吳下田家志

春無三日晴

五燈會元佛日智才舉此語

正月三自田公笑嚇嚇

見朝野僉載

正月遂三亥湖田變成海

周密浩然齋硯聽鈔引吳諺

有利無利但看二月十二

明詩經花朝日晴則百果多

實吳中諺云云月令廣義四月十四得東南風吉十六

黃昏時日月對照主夏秋旱月上遲有白色主大水諺

云有利無利只看四月十四有穀無穀只看四月十六

說不同

清明斷雪穀雨斷霜

見吳下田家志

清明嫁九娘一去不還鄉 田汝成遊覽志餘書此貼櫺

間則夏月無青蟲撲燈之擾

三月無三卯田家米不飽 見周益公日記

三月三日晴桑上掛銀瓶 紀歷撮要及楊升菴集引占

諺云云玉芝堂談薈述有下二句云三月三日雨桑葉

無人取

立夏不下田家莫杞小滿不滿芒種莫骨 月令廣義立

夏小滿皆欲雨故云

四月八凍殺鴨 明詩綜引黔中諺又廣信府志載田家

諺四月八日晴魚兒上高坪紀歷撮要載農諺小麥不

怕神共鬼但怕四月八夜雨

黃梅塞井底乾 見月令廣義又談薈載四月占日煖夜

寒東海也乾

未喫端午粽布襖未可送 劉南詩集五月十日曉寒詩

弊衾久當脫短褐竟未送自注吳中諺云云俗謂典舊曰送也吳下田家志作寒衣未可送

五月五日天中節赤口白舌盡消除 見吳自牧夢梁錄

按太平廣記張仁寶年少而逝端午日其父聞叩門聲于門鯨伺之見其子門上題五月五日天中節題未畢其父開門卽失所在據此則此風自唐有之

夏至有風三伏熱重陽無雨一冬晴 湧幢小品俗語云云驗之殊不然及閱感精符云夏至酉逢三伏熱重陽戊遇一冬晴乃知俗說之訛

六月三日雨一陣上晝耘田下晝困 見月令廣義按俚

俗謂眠爲困或書作𦵏

六月不熟五穀不結明詩綜引吳中諺

長江無六月五燈會元天衣懷禪師舉此語

夏旱修倉秋旱離鄉陳后山談叢浙西地下多水故春

夏厭雨惟秋則畏旱故諺云云

朝立秋暮颼颼暮立秋熱到頭見吳下田家志

處暑雨不通白露枉相逢見紀歷撮要

八月初一雁門開嬾婦催將方尺裁見吳下田家志

秋分在社前斗米換斗錢秋分在社後斗米換斗豆談

薈月令廣義皆載此諺又云社了分米穀如錦墩分了

社米穀如苦酢社了分米穀不出村分了社米穀偏天

下

雲中中秋月雨打上元燈 月令廣義言其相應也又紀

歷撮要風吹上元燈雨打寒食墳

九月九生衣出抖擻 見吳下田家志又明詩綜載黔中

諺九月重陽移火進房

九月十三晴釘靴挂斷繩 見馮夢禎快雪堂日記

十月無工只有梳頭喫飯工 吳下田家志言日短事忽

遽也

冬至則米價長貧兒受長養冬至後米價落貧兒轉消索

一見紀歷撮要

冬至前後瀉水不走 見吳下田家志

兩春夾一冬無被煖烘烘 談薈載立春在殘年占云云

月令廣義作兩春夾一冬牛關九個空

除夜犬不吠新年無疫癘 吳中諺見明詩綜

逢庚則變遇甲方晴 范石湖集大雨紀事詩或云逢庚

變或云換甲始用此諺月令廣義或謂諺乃云逢庚隻

變遇甲雙晴蓋單日逢庚則變遇甲雙日方晴

歲在申酉云漿得酒歲在辰巳需妻賣子 袁子正書語

云云

數九 歲時記俗用冬至次日數及九九八十一日多作

九九詞又云九盡寒盡伏盡熱盡唐薛能詩九九已從

南至盡芊芊應傍北籬生宋韓琦和崔諫議詩五九寒

須伴臘梅元楊允孚灤京雜詠試數窗前九九圖餘寒

消盡煖回初梅花點徧無餘白看到今朝是杏株自注

冬至後貼梅花一枝于窗間佳人脫粧日以胭脂塗一

圖八十一圖既足變作杏花則媛回矣按此皆謂自冬至數之也而陸泳吳下田家志周遵道豹隱紀談數九諺並有二首一從冬至一從夏至楊慎丹鉛錄王世貞委宛餘編謁應京月令廣義田汝成游覽志餘所載俱然今俗亦兩歌之其自夏至數云一九二九扇子弗離手三九二十七冰水如蜜汁四九三十六拭汗如出浴一作爭向露天宿五九四十五頭戴楸葉舞六九五十四乘涼入佛寺七九六十三牀頭尋被單八九七十二思量葢夾被九九八十一家家打炭壑其自冬至數云一九二九相喚不出手三九二十七簷頭吹筆簫四九三十六夜眠如鷺縮一作方纔凍得熟五九四十五太陽開門戶一作窮漢街頭舞六九五十四貧兒爭意氣

一作樹頭青漬漬七九六十三布衲兩頭攤一作破神
足頭擔八九七十二猶狗尋陰地一作口中咽煖氣九
九八十一犁耙一齊出一作三句云窮漢受罪畢纔要
伸脚睡蚊蟲獨蚤出

通俗編卷之四

倫常

忠臣不事二君貞女不更二夫 王蠋語見史記田單傳
求忠臣必于孝子之門 後漢書韋彪傳引孔子語云云
注曰此孝經緯之文也

世亂識忠臣 見唐書崔國傳五代史死節傳按老子上
篇國家昏亂有忠臣爲此語所本

天下無不是底父母 小學羅仲素論瞽瞍底豫而天下
之爲父子者定云只爲天下無不是底父母

至親莫如父子 漢書高帝紀人之至親莫親于父子故
父有天下傳歸于子子有天下尊歸于父北史宇文護
傳天下至親不過兄弟袁采世範人之至親莫過于父

子兄弟

知子莫若父知臣莫若君 管子大匡篇鮑叔曰先人有

言云云左傳僖七年子文亦曰古人有言知臣莫若言

晉語祁奚曰人有言擇臣莫若君擇子莫若父戰國策

趙武靈王謂周紹曰選子莫若父論臣莫若君

有是父斯有是子 孔叢子居衛篇子思曰有此父斯有

此子道之常也揚子法言石奮石建父子之美也無是

父無是子無是子無是父又更記酷吏傳天子謂張湯

母曰非此母不生此子晉書范逵謂陶侃母曰非是母

不生是子

教子以義方 左傳隱三年石碏曰愛子教以義方弗納

于邪馮道贈竇禹鈞詩燕山竇十郎教子以義方

清白遺子孫 後漢書趙震傳子孫蔬食步行或令開產
業震曰使後世稱爲清白吏子孫以此遺之不亦厚乎
隋書房彥謙謂其子曰人皆以祿富我獨以官貧所遺
子孫在于清白南史梁徐勉曰人遺子孫以財我遺之
清白

子承父業 傳燈錄利山和尙舉揚此語

養子方知父慈 又洞山价舉揚此語

無官一身輕 有子萬事足 東坡居士集賀子由生第四

孫詩戴表元集壽陳子猷太傅十詩以無官一身輕有

子萬事足爲韻

家憑長子國憑大臣 見元王仲文救孝子劇

養兒備老 元稹詩養兒將備老高明琵琶曲養兒代老

積穀防饑

嫌惜細兒

袁文寃牘閑評世有嫌惜細兒之語陟岵之

詩云母曰予季行役季少子也母以少子行役其心眷
眷然而形之語言如此此正所謂嫌惜細兒者不獨今
人爲然按袁氏浙東鄞人今此語仍行浙東其事情則
國策趙威后曾明言之

鼻祖

揚雄反騷有周氏之嬋媯兮或鼻祖于汾隅方言

鼻始也獸之初生謂之鼻梁益之間謂鼻爲初或謂之
祖注曰鼻祖皆始之別名也許旌陽服氣書人受胎于
父母其始成鼻盡家畫人亦從鼻始故鼻云祖又說文
俗以始生子爲鼻子

義父

洛陽伽藍記隱士趙勉云是晉武時人正光初來

京師汝南王聞而異之拜爲義父謝肇淪文海披沙項羽尊懷王爲義帝猶假帝也唐人謂假髻曰義髻彈箏假甲曰義甲皆以外置而合宜者故今人謂假父曰義父假子曰義子義女然唐書王世充傳請事侖母劉太后爲假子李錡傳蕃落健兒稟給十萬使號錡爲假父假父假子之稱又見于此若史遷呂不韋傳所云假父乃與後世義父不同

公婆 明孝慈錄舅姑卽公婆按公婆之稱古有之也漢書賈誼策抱哺其子與公併偕古爲焦仲卿妻詩便可白公姥及時相遣歸乃謂舅爲公也晉樂府後來新婦今爲婆子寶樓神記李信妻走告姑曰阿婆兒夜來不知何故變相乃謂姑爲婆也

再生父母

元史烏古孫澤初知興化軍繼收軍爲路授

澤行總管府事民候迎道左曰是某昔再生父母也

顯考妣

邱濬家禮儀節家禮舊本于高曾祖考妣上俱

加皇字今本改作故字似俗不若用顯字蓋皇與顯其

義相符潘昂霄金石例古人書皇祖皇考韓魏公易以

顯字元典章大德四年江西省咨萍鄉縣侯震翁告朱

惠孫墓菴內供伊母魂牌刊寫皇妣字樣儒學提舉司

于禮記內披究得皇妣二字經典該載不曾奉到上司

明文合與不合迴避咨請回示部議得省儒學攷究雖

出經典理宜迴避已迫牌座當堂燒毀今後徧行禁止

我當時但禁川皇字其改作某字未著明文今通行書

顯考妣蓋先經易于韓魏公之三寶也

府君 府君本漢太守之稱後漢書廣陵太守陳登患胸

中煩懣華佗脉之曰府君胃中有蟲三國志孫策進軍

豫章華歆爲太守郡中迎策策曰府君年德名聲遠近

所歸近世疏狀譜牒乃以稱其祖考攷司馬溫公書儀

慰狀格式先某位奄棄榮養自注云無官改先某位爲

先府君朱子家禮祠堂章句注云無官者以生時行第

稱號加于府君之上又語錄無爵而曰府君夫人漢人

碑已有只是尊神之辭府君如官府之君今人亦謂父

曰家府君姚鼐家規通俗編蓬窗類記言無官者稱府

君蓋襲古式而不知本朝有禁然禁無可攷而嘗于載

籍中見湛甘泉告祖文稱曾祖處士府君此公非不知

禮不攷典故者邱文莊乃本朝達禮之士其輯家禮亦

稱處士府君恐違官所記誤也詩先祖是皇注皇君也而慶源輔氏曰君卽府君之謂則府君乃人子尊祖考之辭非以爵稱也明矣

太君 宋史職官志凡升朝官以上遇恩母封縣太君妻封縣君更上則郡太君郡君司馬溫公書儀母曰云先太夫人先太君無封邑者止云先夫人

孤哀子

開元禮度祭祀文父喪稱孤子母喪稱哀子祖

父稱孤

孫祖母稱哀孫大小祥祭如之宋子家禮父母

俱亡卽稱孤

哀子又曰凡禮中所言孤子如當室及不

純采之類

皆謂已孤之子非所自稱也而鄭氏禮注亦

云三十以下

無父稱孤明三十以上不得爲孤也今欲

行古禮

父母喪俱宜稱哀子然世俗相承已久恐難卒

變語類或問世間孤哀之稱如何曰溫公因今俗以爲父母不欲混也從之亦無言陳子昂爲其父墓志自稱孤子李華祭蕭穎士文已有父喪亦自稱孤子

承重孫儀禮喪服傳爲父後者則爲出母無服疏云謂父歿適子承重不合爲出母服承重二字見此通典有晉庾純等適孫爲祖承重議按晉書禮志云陳留王奉魏氏所承者重不得服其私親五代史晉家人傳論亦云爲人後者所承重則承重之言不獨專于祖孫

孝子禮雜記祭稱孝子孝孫喪稱哀子哀孫劉熙釋名祭曰卒哭止孝子無時之哭也期而小祥孝子除首絰也又期而大祥孝子除練服也間月而禫孝子之意澹然衰也皆因祭以稱之今概謂居喪者曰孝子服曰載

孝不典也而其俗自晉宋來皆然晉書王綬傳父爲殷
桓所捕未測存亡綬居處飲食每事貶降時人謂爲試
守孝子宋書明恭王皇后傳廢帝欲加酖害左右止之
曰若行此事官家便作孝子南史周盤龍傳不爲世子
便爲孝子孝子則門加素塋世子則門施丹楹邵陵
王綸傳道逢喪車奪孝子服而著之冥明徹傳葬日有
乘白馬者經墳此是最小孝子大貴之徵北史崔儼傳
崔子約居喪哀毀人云崔九作孝風吹卽倒王獻傳獻
之葬也假姻親義舊衰絰縞冠送喪者千餘人時人謂
之義孝

孝子順孫

漢書黃霸傳百姓鄉化孝子弟弟貞婦順孫
日以衆多後漢書百官志注三老掌教化凡有孝子順

孫貞女義婦皆稱素其門接孝順二字始見楚語孝順以納之忠信以發之

公子王孫戰國策公子王孫左挾彈右攝丸此四字連見故籍者更記貨殖傳宛孔氏有游閒公子之名師古曰公子者王侯貴人之子言其舉動性行有似之若今言諸郎矣漢書韓信傳哀王孫而進食蘇林曰王孫言如公子也又海披沙秦漢人相呼率有此美稱如蔡中郎謂王粲爲王孫雋不疑謂暴勝之爲公子蓋亦口頭虛語耳

兒子史記齊悼惠世家兒子畜之張釋之傳教兒子不謹漢書高帝紀鄉者夫人兒子皆以君魏志王昶傳書戒兒子及子曰郭伯益宏曠不足輕貴有餘不願兒子

爲之徐偉長不治名高惟道是務願兒子師之劉公幹
性行不均少所拘忌不願兒子慕之任孝先淳粹履道
內敏外恕願兒子遵之晉書桓元傳殷仲堪常懷成敗
之計爲兒子作慮劉曜載記霍岳曰吾既無兄弟之累
身又薄祜未有兒子

子息

戰國策老臣賤息舒祺最少尸子注息小兒也東

觀漢記有此我子息之語

孩子

墨子明鬼篇殷紂賊誅孩子論衡本性篇紂爲孩

子之時微子睹其不善之性焦氏易林孩子含餌爲利
所悅

魚子

永經注嬰童中女初生魚子方言魚者子也湘沅

之間凡言是子者謂之魚子按魚音如宰俚俗以爲罵

語其實非罵語也

困 顧况哀困詩郎罷別困困別郎罷按閩中方言以父
爲郎罷子爲困也集韻困音蹇今俗亦以困子爲罵語
豚兒犬子 史記司馬相如傳少學擊劍其親名之曰犬
子三國志注曹公曰生子當如孫仲謀劉景升兒子若
豚犬耳是豚兒犬子乃輕賤之辭也曹公曰孔別爲一
說云越語范蠡欲國民衆多凡國人生丈夫子與酒三
壺犬一生女子與酒一壺豚一所謂豚犬蓋幼幼之事
殊亦有據

末代孫 天戴禮少間篇禹崩十七世乃有末孫桀武丁
後九世乃有末孫紂皆不率先王明德而亡岳珂程史
韓侂胄既逐趙忠定太學生敖陶孫題詩三元樓壁曰

九原若遇韓忠獻休說渠家末代孫

遺腹子

淮南子說林訓遺腹子不思其父無親于心也

史記趙世家趙朔妻有遺腹走匿公宮季廣傳季當戶有遺腹子名陵後漢書鄭康成傳康成子益恩赴黃巾之難有遺腹子名小同以下諸史言遺腹子頗多又遺腹女見後漢劉平傳

姪男

顏真卿序顏元孫干祿字書第十三姪男真卿書

柳宗元祭六伯父文亦自稱姪男按姪本姑謂兄弟之

女之稱釋名姪迭也共行事夫更迭進御也爾雅喪服

經左傳雖亦借稱兄弟之子並是對姑之辭通典雷次

宗曰謂吾姑者吾謂之姪此名特從姑發以女子有行

事殊伯叔故特制姪名而字偏从女如舅與從母爲親

不異而言謂我舅者吾謂之甥亦特自舅而制也名發
于舅字亦从男故姪字有女明不及伯叔甥字有男見
不及從母是以周服篇無姪字小功篇無甥名也對伯
叔而稱姪顏之推謂自晉世始之晉書王湛傳王濟才
氣抗邁于湛畧無子姪之敬是也唐人嫌其混于女子
而加舅字明之雖山名流未免杜撰之目

弟男子姪 元典章有新附軍人弟男子姪結連惡少爲
害四字始見

三男兩女 後漢書方術傳三男兩女孫息盈前何爲坐
自殫竭按三兩是約舉之辭時語可驗

大男小女 覃木子載昌思誠寄內詩少米無柴休懊惱
大男小女好看成按小男小女見管子海王篇注

男大須婚女大須嫁

五燈會元楊次公傑判有男不婚

有女不嫁之偈曰男大須婚女大須嫁討甚閑工夫更說無生話寄天衣懷懷稱善

相女配夫

見王實甫西廂劇

兒女債

琵琶曲顧相公早畢兒女之債

倒箱女

莊緯雞肋編江浙人生女多者畢嫁作倒箱會

女生外嚮

白虎通男生內嚮有謂家之義女生外嚮有

從夫之義按孟子疏引作女生內嚮男生外嚮似譌

盜不過五女之門

後漢書陳蕃傳引諺云云

抱不哭的孩兒

程子遺書不哭的孩兒誰抱不得

多年爲老娘倒紉孩兒

張師正倦游錄古振將試館職

晏相曰宜稍溫習振曰豈有三十年爲老娘倒紉孩兒

者乎既試不中選晏笑曰苗君竟倒绷孩兒矣按今諺有云多年老娘錯剪臍帶卽此語耳

教婦初來教兒嬰孩 顏氏家訓教子篇俗諺云云誠哉斯言按謂端其始也今諺云三朝息婦月裡孩兒同此不癡不聾不成姑公 顧子不聽不明不能王不聾不聾不能公釋名充耳所以止聽故里語曰不瘖不聾不成姑公張湛列子力命篇注引語不聾不聾不能成功采書庾炳之傳何尚奏曰仲文嘗言不癡不聾不成姑公隋書長孫平傳有告都督邴紹非毀朝廷者帝將斬之平諫曰鄙諺不癡不聾未堪作大家翁此言雖小可以喻大唐書郭曖與昇平公主琴瑟不調主恚入奏尚父拘曖詣朝待罪上曰不癡不聾不作阿家阿翁

通作結
醜婦怕不得見舅姑

蘇子瞻雜纂二續載怕不得入事

一曰醜婦見舅姑

落索阿姑餐

顏氏家訓治家篇婦人之性率寵子婿而

虐兒婦諺云落索阿姑餐此其相報也

夫侶婦隨

出關尹子

鄉里夫妻

甯史張彪傳呼妻爲鄉里曰我不忍鄉里落

他處沈約山陰柳家女詩遠家問鄉里詎堪持作夫丹

鉛續錄俗語鄉里夫妻步步相隨言鄉不離里如夫不

離妻也

單夫隻妻

齊民要術紅花一頃日須百人摘取一家手

力十不充一但每旦有小兒僮女百十餘羣自來分摘

是以單夫隻妻亦得多種

夫主 後漢書班昭女誡正色端摯以事夫主又云不知夫主之不可不事禮義之不可不存也又云婦人之得意于夫主由舅姑之愛已也

妻子 詩妻子好合韓非子鄭人使其妻爲袴曰象吾故袴妻子因毀新令如故程甫詩結髮爲妻子席不煖君床我此本僅言妻而兼助以子字今語猶有然

結髮夫妻 父選蘇子卿詩結髮爲夫妻恩愛兩不離又曹植詩與君初定情結髮恩義深古爲焦仲卿詩結髮同枕席黃泉共爲友江淹詩而我在萬里結髮不相見黃憲天祿閣外史寡人有母結髮于先君而生寡人北史齊文宣紀謂崔暹妻曰頗憶暹不曰結髮義淡實懷追憶又馮翊太妃傳司馬子如曰妃是王結髮婦我結

髮本言初冠時史記主父偃傳結髮游學李廣傳結髮與匈奴戰漢書霍光傳結髮內侍後漢書魯褒傳結髮傳父業皆是也蘇子卿詩亦謂自初冠時爲夫妻而後人直借以代夫妻字

繼室 左傳隱元年繼室以聲子父昭三年齊侯使晏嬰請繼室于晉

正室側室 周禮正室謂之門子注云正室適子將代父當門者禮記文王世子若有出疆之政庶子守公宮正室守太廟注亦云正室適子也左傳桓二年天子建國諸侯立家卿置側室注云側室衆子也文士年趙有室曰穿注云側室支子按諸經則正室側室古不以言妻妾言其所生子也然淮南修務訓稱以楚莊之琴側

室爭鼓之注云側室之寵人則妾自有側室之稱漢書文帝曰朕高皇帝側室之子也宋書陸展染鬚髮欲以媚側室妾云側室妻可云正室矣

小詩溫于羣小注曰小衆妾也漢書元后傳小婦弟張美人師古曰小婦妾也水經河水注引佛經有國王小夫人生肉胎大夫人妬之亦分妻妾爲大小

如夫人左傳僖十七年齊侯多內寵內嬖如夫人者六人渾家元典章萬戶千戶裡有底渾家孩兒也教依例當

差按續燈錄可眞舉解家送上渡頭船句蓋宋有斯稱

未亾人左傳莊二十八年楚文夫人曰令尹不尋諸仇讐而于未亾人之側又魯穆姜衛定姜俱自稱未亾人見成九年十四年傳

夫妻反目

易小畜爻辭

惡婦破家

易緯引古語躡馬破車惡婦破家又申子姤

妻不難破家

娶婦不著一生貧

楊誠齋江東集和王道父山歌種田

不收一年事娶婦不著一生貧

家有賢妻丈夫不遭橫事

見元曲選盆兒鬼劇

難兄難弟

世說陳元方子與季方子爭論父功德路于

太邱太邱曰元方難其兄季方難其弟

昆玉

南史王玠傳子琳娶梁武帝妹有子九人並知名

時人以爲玉昆金友崔鴻書涼錄辛攀兄弟五人並以

才識名秦雍爲之語曰五龍一門金友玉昆按今稱人

弟兄曰昆玉義應本此但不曰金玉曰昆友而曰昆玉

似復別有出處晉書陸機兄弟生華亭並有才名人比之崑岡出玉昆玉或崑玉之譌歟

同堂兄弟 北史公孫表傳祖季真云二公孫同堂兄弟耳吉凶會集便有士庶之異崔鑣傳崔休誠子姪曰汝等皆宜一體勿作同堂意又三國志孫琳傳注亮言琳同堂姊邂逅泄漏誤孤非小

孝弟 舊唐書崔龜從太和二年改太常博士時饗宗廟于敬宗室稱皇帝孝弟龜從議曰臣審詳孝字義本主于子孫理難施諸兄弟宜去孝弟二字制從之按今作佛事者所題榜疏猶往往有孝弟及孝妻等稱

兄弟 元史泰定帝卽位詔諸王哥哥兄弟每也都理會的又爭立的哥哥兄弟也無有元典章軍戶替補條亦

有哥哥兄弟孩兒每語按俗以兄弟二字并呼其弟攬
文兄弟上先言哥哥則此呼元時已通行上下也

結十弟兄 顏氏家訓四海之人結爲兄弟亦何容易比
見北人甚輕此節行路相逢便定昆季望年觀貌不擇
是非至有結父爲兄托子爲弟者按此事自漢晉以來
不勝枚舉南史宋明帝與蘇侯神結爲兄弟以祈福助
尤其恠誕者也春明退朝錄太宗謂侍臣曰昔唐莊宗
終日沉飲與俳優輩結十弟兄不知當時刑政何如也
結弟兄期以十人爲數又見于此

牽郎郎拽弟弟 張懋建石癡別錄兒童衣裾相牽每高
唱云云初意其戲詞後見詢芻錄乃知爲多男子祝辭
房分 漢書石奮傳入子舍師古曰諸子之舍若今言諸

房矣北魏書宗室深傳其往世房分留居京者得上品通官在銀者便爲清途所隔

中表 晉書杜后傳母裴氏中表之美高于當世列女傳王渢妻鍾氏禮儀法度爲中表所則隋書經籍志有盧懷仁中表實錄二十卷高諒表親譜四十卷

半子 唐書回紇傳咸安公主下嫁可汗上書言昔爲兄弟今爲半子劉禹錫祭陽庶子文乃命長嗣爲君半子嬌客 蘇軾和王子立詩嬌翁未可拋王郎非嬌客注曰女婿曰嬌客子立乃子由婿也老學菴筆記秦桧有十客吳益以愛婿爲嬌客

補代 猶覺寮雜鈔世號贅婿爲布袋不曉其義或云如身入布袋氣不得出也頃附舟入浙有同舟者號李布

袋篙人問其說一人曰語訛也謂之補代人家有女無子恐世代自此而絕不肯出嫁招婿以補其世代耳此言絕有理潛居錄馮布少時絕有才幹贅于孫氏其外父有煩瑣事輒曰俾布代之故吳中謂婿曰布代按馮布事未見他書元人雜劇如張國賓薛仁貴武漢臣老生兒並有補代之言朱氏猗覺察之言是也

連衿

〔嬾真子〕友婿江北人呼連衿亦呼連衿

姑夫

見禮記又蜀志李恢傳姑夫爨習爲犍爲令有違

犯事恢坐習免南史袁淑傳至十餘歲爲姑夫王弼所賞范雲傳六歲就其姑夫袁叔明讀毛詩又婦人呼小姑之夫亦曰姑夫五代史唐王淑妃傳石敬瑭兵犯京師妃謂太后曰事急矣宜少避以俟姑夫呂氏童蒙訓

故家晁氏凡諸姑尊姑之夫必曰某姓姑夫某姓尊姑夫未嘗敢呼字也

姨夫續釋常談元氏小叔與姪大淵書吾時在鳳翔每借書于齊魯曹家徒走就陸姨夫師受

姊夫漢書霍光傳夜設九賓延見姊夫昌邑國內侯吳志呂蒙傳少依姊夫鄧當蜀志來敏傳隨姊夫黃琬奔荆州晉書郗愔傳與姊夫王羲之並有邁世之風石勒載記姊夫張越與諸將蒲博戲言忤勒世說張敏曰秦子羽雖有姊夫之尊然少而狎焉

妹夫漢書王子侯表隆元侯坐知女妹夫亡命匿罪免

晉書賈后傳后詐有身取妹夫韓壽子尉祖養之李特載記特弟庠與妹夫李含等以四十騎歸趙廩北史崔

昂傳崔昂直臣魏收才士婦兄妹夫俱省罪過按爾雅姊妹之夫爲甥古無直以姊妹夫相稱謂者自漢以來稍稍見諸史籍如此

小舅小叔相追相逐

北夢瑣言引謔

外甥多似舅晉書何無忌傳無忌劉牢之甥酷似其舅世說新語桓豹奴是王丹陽外生形似其舅又殷顗是謝鎮西外甥謝公熟視殷曰阿巢故似鎮西王維詩寧親爲令子似舅卽賢甥容齋續筆舊有以書句兩語而証以俗語者如丹朱之不肯舜之子亦不肯証之曰外甥多似舅

師嚴道尊

禮學記師嚴然後道尊

尊師重傳

漢書孔光傳太后詔書國之將興尊師而重

傳按此語本荀子大畧篇惟尊師荀作貴師

一日爲師終身爲父 關漢卿玉鏡臺劇有此語

交友投分 見周興嗣千文潘岳有投分寄石友句

小友 唐書李泌傳張九齡呼泌爲小友

老友 宋史蔡元定傳朱某曰此吾老友也

親友 戰國策孟嘗君曰所借衣車者非親友則兄弟也

漢書張釋之傳條侯山都侯咸見釋之持議平乃結爲

親友後漢書陶謙傳趙昱潛志好學雖親友希得見之

曹植築篋引置酒高殿上親友從我游陶潛詩序停雲

思親友也

貧賤之交不可忘糟糠之妻不下堂 後漢書宋弘語

親者無失其爲親故者無失其爲故 見禮檀弓

交絕不出惡聲 見戰國策樂毅報燕惠王書

遠親不如近鄰 秦簡夫東堂老曲用此語

百歲奴事三歲主 唐書劉季述傳李振謂程巖曰百歲

奴事三歲郎主常也 五代史李振傳無郎字

奴僕宮星陷 西朝聞見錄高宗自能推步星命或臣下

不能始終仰副聖懷則曰吾奴僕宮星陷也

家生奴 漢書陳勝傳免驪山徒人奴產子師古曰奴產

子猶今人云家生奴也 白居易詩蒼頭碧玉盡家生

一家一計 見關漢卿望江亭曲又漁樵記亦云

合家大小 北史邵護傳其母作書與護有此語又晉書

王祥傳囑家人大小勿送喪

老小 孟子反其旄倪趙注云王先還其老小後漢書周

舉傳冬中一月莫敢烟爨老小不堪簪書食貨志十二
以下六十六以上爲老小不役

家長 詩侯主侯伯箋主家長也墨子天志篇惡有處家
得罪于家長而可爲也魏武帝禁絕火令令到人不得
寒食犯者家長半歲刑朱子家禮事無大小必咨稟于
家長又長家見管子立政篇

家無二主 見禮坊記又家主見墨子兼愛篇家主獨知
愛其家而不知愛人之家

家口 南史張敬兒傳迎家口悉下至都北史盧同傳遣
賊家口三十人并免家奴爲良李密傳百官家口盡在
東都若不取之安能動物按孟子八口之家管子十口
之家家口二字所從出也

家屬 史記盧縮傳燕王詐論他人以脫張勝家屬後漢書陰皇后紀后隨家屬徙清陽逢崩傳歸將家屬浮海家累 漢書西域傳募民壯健有累重敢徙者詣田所注云累妻子家屬也晉書戴洋傳孫混欲迎其家累洋言此地當敗而止梁昭明陶靖節傳爲彭澤令不以家累自隨韓退之與李翱書家累僅二十口攜此將安所歸托乎按今人自言其妻妾子女曰賤累子女多曰累重由于此

宗親

史記五宗世家同母者爲宗親

骨肉至親 春秋釋例諸侯之娶各有姊妹爲媵皆同姓之國骨肉至親所以息陰訟漢書武五子傳壺關三老上書曰骨肉至親父子相疑文帝謂燕王旦曰今王骨

肉至親晉書左貴嬪爲離思賦曰骨肉至親化爲他人
內助魏志郭后傳帝王之治天下不惟外輔亦有內助
宋史孟后傳宣仁太后曰得賢內助非細事也

內顧

漢書楊僕傳失期內顧師古注言思妻子也又左

思詩

外望無寸祿內顧無斗儲所云內顧意別

尊而不親

禮表記母親而不尊父尊而不親水土親而

不尊火尊而不親天尊而不親命之子民也親而不尊

鬼尊而不親

疏不問親

韓詩外傳李克對魏文侯曰臣聞之卑不謀

尊疎不問親

蜀志劉封傳古有言疎不問親新不加舊

離間骨肉

晉書王豹傳長沙王謂齊王冏曰小子離間

骨肉何不銅駝下打殺五代史王思同傳朝廷信用姦

人離間骨肉我實何罪

親眷 鮑照別庾郎中詩已經江海別復與親眷違按唐書宰相世系表有東眷裴西眷裴中眷裴三裴同出自陽吉平侯茂蓋同族亦得有眷稱也

六親 左傳注六親父子兄弟姑姊甥舅昏媾姻亞又老子六親不和有孝慈王弼注曰六親父子兄弟夫婦也漢書禮樂志六親和睦應劭注曰六親父母兄弟妻子也按呂氏春秋父母兄弟妻子曰六戚與應氏說合

四輩 沈約述僧設會論非資四輩身口無托范梈詩閉戶讀書古都市四輩冠蓋方隆隆按此似泛謂四方之士今俗言四輩者乃指親族友鄰殊覺未合逸周書大武解有四戚之目一內姓二外婚三友朋四同里蓋今

之所言實當爲四戚耳

姻家

後漢書蔡邕傳上書言與羊陟姻家豈敢申助私

黨

宋史王曾傳太后左右姻家稍通請謁曾多所裁抑

通家

後漢書孔融傳造李膺門曰我是李君通家子弟

膺問之

對曰先君孔子與君先人李老君同德比義而

相師友則融與君累世通家

三國志滕胤傳父胤與劉

繇州里

通家父夏侯元傳注太傅薨許允謂元曰無復

憂矣

元曰卿何不見事乎此人猶能以通家年少遇我

鄉親

晉書皇甫謐傳其鄉親勸令應命謐爲釋勸論以

通志焉

宋書翟法賜傳雖鄉親中表莫得見也

私親

晉書禮志魏明帝詔曰纂正統而奉公義何得復

顧私親哉

連之親

楊雄答劉歆書臨邛林閭翁孺與雄外家牽

連之親

指腹爲親

魏書王寶興傳尚書盧遐妻崔浩女也初寶

興母遐妻俱孕浩謂曰汝輩將來所生皆我之自出可

指腹爲親及婚浩爲撰儀南史韋叡傳韋放與張率側

室俱孕因指腹爲婚姻元典章至元六年准中書省議

有依前指腹及割衫襟等爲親者今後並行革去

就親

公羊傳注今就婚爲綴婚按俗謂出贅外家曰就

親卽斯言也

母子

朱子語錄氣體之充都是一點母子上生出按

母子猶云本元今人多有此語如所謂母子醬油之類

人種

世說阮仲容先幸姑家鮮卑婢及姑當遠移初云

留婢既發將去仲容借客驢自追之曰人種不可失立
世毗曇論得一劫末合集閻浮提內男女惟餘一萬箇
爲當來人種

斷種 天智度論世人有子若不繼紹則名斷種爲最可
耻

若要長觀後養 陳龍正學言詳記引鄉諺

公修公得婆修婆得 見元曲選來生債劇

荒年無六親 見紀歷撮要又楊升菴集引古諺荒年無

六親旱年無鶴神

一夜夫妻百夜恩 元曲用此語甚多琵琶記漁樵記秋

胡戲妻舉案齊眉風光好救風塵對玉梳碧桃花諸劇
皆有之其源未詳

通俗編

卷四

九

巧妻常伴拙夫眠

見武漢臣生金閣劇

兒要自養穀要自種

見楊文奎兒女團圓張國寶羅李

郎二劇

兒孫自有兒孫福莫與兒孫作馬牛

癸辛雜志載葉李

紀夢詩有兒孫自有兒孫福句采詩紀事載嘉祐時天

台道士徐守信詩兒孫自有兒孫計莫與兒孫作馬牛

元關漢卿蝴蝶夢劇作莫爲兒孫作遠憂